

## Tâi-ôan ê “CHIÁH”

Khô Gî-sêng

Lán Tâi-ôan-lâng in-ūi keng-chè tiâu-kiā<sup>n</sup> hó, tùi seng-ôah phín-chit, i-sek it-tít teh thê-kôan i ê chuí-chún. Iû-kî sî tùi “chiáh” chit hong-bîn koh khah káng-kiù.

Chiáh, tùi khiā-khí tî Tâi-ôan ê lâng lâi kóng sit-châi chin hong-piān, iâh ôe-tit-thang kóng sî hok-khì. Tâh chhut mñg-gôa mñ-bián lôa-hñg chiú ôe-tit-thang bôe tiôh chiáh..ê. Tânsí û-chî<sup>n</sup> bô tú-tú bôe ôe tiôh hó chiáh-mih. Siök-gí kóng “phái<sup>n</sup> chiáh kùi”.

Tí chia beh choan-kang ūi tâi-ke siâu-kài tî Tâi-ôan tàk só-châi khah chhut-miâ ê “chiáh”, bô-lûn sî tiâm-thâu, á-sî lô-pi<sup>n</sup>-tâ<sup>n</sup>-á, tùi in tàk keng liâu-lí ê tèk-sek, múi kî siâu-kài kúi keng hõ tâi-ke phî<sup>n</sup>-phang.

### Tâng-á-bí-ko(TABKO, 筒仔米糕)

Chit-keng TABKO keng-êng kàu chit-chûn í-keng ū 3 tâi. I ê bí-ko khì-bí chin-hó koh û-liâu. Tôe-chí tî Ko-hiông Ài-hô sai-pêng-pi<sup>n</sup> ê Hô-se Lô. Kiàn-kok 4 Lô kap Chhit-hiân 3 Lô ê tiong-kan. Êng-giáp sî-kan sî ê-po<sup>n</sup> 5 tiám í-âu. Chit tòng khai 60 kho chiú chiáh ê pá.

### Kiâm-chuí-ì-mî(KICHIM, 鹽水意麵)

Chit keng ê thâu-ke sî Kiâm-chuí-lâng. I ê mî, bô-lûn sî ta..ê, á-sî thng..ê, khì-bí, thng-thâu lóng chin-hó. Mî iâh sî chin khiû. Tôe-tiám tî Sam-bîn-koe tiâm-bîn ñg-lâm tî Tiong-hôa 3 Lô kap Chû-kiông 1 Lô tiong-kan, óa-kûn Chû-kiông-lô. Êng-giáp sî-kan sî ê-po<sup>n</sup> 4 tiám í-âu. Chit tòng chiáh kah pá 50 kho chiú û-kàu.